

Bosna i Hercegovina
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj: 009-0-Su-23-000401
Sarajevo, 04.05.2023. godine

Na osnovu člana 37. stav 2. Zakona o sudovima u Federaciji Bosne i Hercegovine ("Službene novine Federacije BiH" broj: 38/05, 22/06, 63/10, 72/10, 7/13 i 52/14) uz saglasnost Federalnog ministarstva pravde, predsjednik Kantonalnog suda u Sarajevu, donosi:

**PRAVILNIK O IZMJENAMA I DOPUNAMA PRAVILNIKA O
UNUTRAŠNJOJ ORGANIZACIJI KANTONALNOG SUDA U
SARAJEVU**

Član 1.

U Pravilniku o unutrašnjoj organizaciji Kantonalnog suda u Sarajevu broj: 009-0-Su-20-000385 od 08.06.2020.godine, mijenja se član 33. i glasi:

Član 33.

(Pomoćnik predsjednika Suda za ekonomske, stručne i informatičke poslove)

(1)Radno mjesto: Pomoćnik predsjednika Suda za ekonomske, stručne i informatičke poslove)

(2)Opis poslova: Neposredno rukovodi Sektorom i organizuje vršenje svih poslova iz nadležnosti Sektora; raspoređuje poslove na službenike i namještenike i daje im upute o načinu vršenja poslova; osigurava blagovremeno, zakonito i pravilno vršenje svih poslova iz nadležnosti Sektora kojim rukovodi; redovno upoznaje predsjednika o stanju i svim problemima u vezi vršenja poslova iz nadležnosti Sektora; predlaže poduzimanje potrebnih mjera; vrši izradu nacrtu godišnjeg programa rada i izvještaja o radu Sektora; vrši analizu i predlaže plan potrebnih finansijskih sredstava u budžetu Suda, neophodnih za odvijanje programskih aktivnosti Sektora; prati politiku sigurnosti pravosudnog informacionog sistema; koordinira sa svim organizacionim jedinicama vezana za problematiku tehničkih poslova; izvještava predsjednika Suda o stanju i primjeni CMS sistema; predlaže ocjenu rada državnih službenika i namještenika u skladu sa zakonom,

vrši najsloženije poslove iz nadležnosti Sektora; izvršava i druge stručne poslove po nalogu predsjednika suda.

(3) Uslovi za vršenje poslova: Stečena diploma visokog obrazovanja ili druge obrazovne ili akademske kvalifikacije VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja ekonomski fakultet ili fakultet elektrotehnike – smjer informatika, najmanje pet godina radnog staža u struci, položen stručni ispit.

(4) Vrsta djelatnosti: Poslovi osnovne djelatnosti.

(5) Grupa poslova: Stručno – operativni.

(6) Složenost poslova: Najsloženiji.

(7) Status izvršioca: Državni službenik koji rukovodi osnovnom organizacionom jedinicom Sektorom.

(8) Pozicija radnog mjesta: Pomoćnik predsjednika suda.


(9) Broj izvršilaca: 1 (jedan)

Član 2.

Ove izmjene Pravilnika stupaju na snagu danom davanja saglasnosti Federalnog ministra pravde.

PREDSJEDNIK SUDA

Vladimir Špoljarić



Na ovaj Pravilnik Federalno ministarstvo pravde dalo je svoju saglasnost aktom broj: 09-45-1537/23 od 15.05.2023.godine.